

# DIE DANVERS VERKLARING

## OOOR BYBELSE BEGINSELS VIR MANWEES EN VROUWEES EN VROUE SE DIENSWERK IN DIE PLAASLIKE KERK

In Desember 1987 het leiers van die pas gestigte “Council on Biblical Manhood and Womanhood” (CBMW) in Wheaton, Illinois ’n plegtige verklaring opgestel, wat die sogenaamde komplementêre siening van geslagsrolle, onder andere in die kerk, uiteensit. Die verklaring is in November 1988 gepubliseer. Sedertdien is hierdie verklaring, wat as die Danvers-verklaring bekendstaan, deur verskeie Christelike groepe onderskryf.

Die verklaring word soos volg in Afrikaans weergegee:

### Rasionaal (beweegredes)

Ons het die volgende hedendaagse ontwikkelings raakgesien. Dit is vir ons 'n diep bron van kommer en dit het ons daartoe gelei om hierdie verklaring op te stel:

1. In ons kultuur is daar wydverspreide onsekerheid en verwarring oor oor komplementêre (aanvullende) verskille tussen manlikheid en vroulikheid.
2. Hierdie verwarring lei tot tragiese gevolge vir die huwelik. Die huwelik wat God uit die mooi en onderskeie drade van manwees en vrouwees geweef het, rafel uit.
3. Feministiese gelykmaking (egalitarisme) word toenemend bevorder en daarmee word die blymoedige harmonie wat die Skrif stel tussen die nederige en liefdevolle leierskap van die verlore eggenoot en die wyse en gewillige ondersteuning van daardie leierskap deur sy verlore vrou, verteken of verwaarloos.
4. Daar is ’n algemene onsekerheid met betrekking tot die waardes van moederskap, die roeping van tuisteskepper en talle vorme van dienswerk wat in die verlede deur vroue verrig is.
5. Seksuele verhoudings wat in die lig van die Skrif en histories as ongeoorloofd of pervers beskou is, word toenemend as wettig beskou. Menslike geslagtelikheid word al hoe meer pornografies uitgebeeld.
6. Daar is ’n golf van fisieke en emosionele gesinsgeweld.
7. Rolle vir mans en vroue in kerklike leierskap kom te voorskyn, wat nie ooreenkomstig die leer van die Skrif is nie, maar wat Skrifgetroue getuigenislewering lamlê.
8. Al hoe meer word daar skerpsinnige verklarings (*hermeneutical oddities*) gebied en nagevolg hoe om Bybelgedeeltes wat op die oog af verstaanbaarbaar is, te herinterpreteer.
9. Sodoende word die gesag van die Bybel aangetas omdat sodanige verklarings die duidelikheid van die Skrif in gedrang bring en die Skrif ontoeganklik maak. Die verstaan van die Skrif word beperk tot die sfeer van tegniese vindingrykheid.

10. Agter dit alles skuil skynbaar die neiging by sommige in die kerk om by die tydsgees aan te pas, ten koste van diepgaande (*radical*) Bybelse geloofwaardigheid, wat juis mense aantrek en wat deur die krag van die Heilige Gees in staat is om ons sterwende kultuur te reformeer, eerder as om dit te weerspieël.

/Tien beginsels (bevestigings) ...

## Tien beginsels (bevestigings)

Op grond van ons verstaan van die leer van die Skrif, bevestig ons die volgende:

1. Adam en Eva is beide na die beeld van God geskep, as persone gelyk voor God en onderskeie in hulle manwees en vrouwees (Gen. 1:26-27, 2:18).
2. Die onderskeid tussen manlike en vroulike rolle is deur God as deel van die skeppingsorde verordineer en behoort in elke mens se hart weerklank te vind (Gen 2:18, 21-24; 1 Kor 11:7-9; 1 Tim 2:12-14).
3. Adam se hoofskap in die huwelik is voor die sondeval deur God daargestel, en is nie 'n gevolg van die sonde nie (Gen 2: 16-18, 21-24; 3: 1-13; 1 Kor 11: 7-9).
4. Die sondeval het skeeftrekkings in die verhouding tussen man en vrou tot gevolg gehad (Gen 3:1-7, 12, 16).
  - In die huis is die man se liefdevolle, nederige hoofskap geneig om plek te maak óf vir baasspelerigheid óf vir passiwiteit. Die vrou se wyse, bereidwillige onderdanigheid neig om vervang te word deur baasspelerigheid (*usurpation*) óf slaafse onderwerping
  - In die kerk is mans as gevolg van die sonde geneig om óf behep te raak met 'n strewe na wêreldse mag óf om afstand te doen van hulle geestelike verantwoordelikheid. Vroue is geneig óf om beperkings ten opsigte van hulle rol te weerstaan óf om hulle gawes ten opsigte van gepaste dienswerk te verwaarloos.
5. Dit blyk uit sowel die Ou as die Nuwe Testament dat God die onderskeie rolle van mans en vroue gelyk ag in waarde en waardigheid (Gen 1:26-27, 2:18; Gal 3:28). Sowel Ou as Nuwe Testament bevestig ook die beginsel van die manlike hoofskap in die gesin en in die verbondsgemeenskap (Gen 2:18; Efesiërs 5:21-33; Kol 3:18-19; 1 Tim 2:11-15).
6. Die verlossing in Christus het ten doel om die skeeftrekkings wat die sonde meebring, te herstel.
  - In gesinsverband moet die man afsien van ongenaakbare (*harsh*) en selfsugtige optrede, en eerder toeneem in liefde en sorgsaamheid teenoor sy vrou. Die vrou moet afsien van

teenkanting teen haar man se gesag, en eerder toeneem in gewillige en blymoedige onderwerping aan haar man se leiding (Efesiërs 5:21-33; Kol 3:18-19; Tit 2:3-5; 1 Petrus 3:1-7)

- In die kerk gee die verlossing in Christus aan mans en vroue 'n gelyke deel in die seën van verlossing. Nietemin is sekere van die regeer- en leerrolle in die kerk tot mans beperk (Gal 3:28; 1 Kor 11:2-16; 1Tim 2: 11-15).

7. In die hele lewe geld Christus as die hoogste gesag en rigsnoer vir sowel mans as vroue. Dit beteken dat 'n mens nooit 'n aardse situasie waar jy aan iemand onderwerp is – as lid van 'n huisgesin, lid van 'n godsdienstige gemeenskap of as burger – as verskoning mag gebruik om 'n menslike gesagsdraer op die pad van sonde te volg nie (Dan 3:10-18; Handeling 4:19-20, 5:27-29; 1Petrus 3:1-2).

8. Vir beide mans en vroue geld dit dat 'n mens nooit 'n diep roepingsgevoel as rede mag gebruik om Bybelse maatstawwe wat vir spesifieke dienste geld, tersyde te stel nie (1 Tim 2:11-15, 3:1-13; Tit 1:5-9). Eerder moet ons bly by dit wat die Skrif ons leer as maatstaf om ons eie, subjektiewe oordeel oor wat God se wil is, te beoordeel.

9. Met meer as die helfte van die wêreld se bevolking in gemeenskappe wat nog nie die evangelie gehoor het nie (*outside the reach of indigenous evangelism*); met tallose ander verlorene in gemeenskappe wat reeds die evangelie gehoor het; met die spanning en ellendes van siekte, ondervoeding, haweloosheid, ongeletterdheid, onkunde, veroudering, verslawing, misdaad, gevangenskap, neurose en eensaamheid, hoef geen man of vrou wat die passie van God ontvang het om sy genade met woord en daad bekend te maak, ooit sonder 'n vervullende bediening te leef tot die eer van Christus en die redding van hierdie gevalle wêreld nie (1 Kor 12:7-21).

10. Ons is daarvan oortuig dat ontkenning of verwaarlosing van hierdie beginsels al hoe meer vernietigende gevolge sal hê in ons gesinne, ons kerke en die samelewing (*culture*) oor die algemeen.

## Doelwitte

By Danvers is ook sekere doelwitte gestel, wat soos volg saamgevat kan word:

- ❖ Om die Bybelse beskouing van die verhouding tussen man en vrou na vore te bring en die betekenis daarvan vir veral die huis en kerk bekend te maak.
- Om gewone gelowiges aan te spoor om self die Woord te ondersoek en ook die betekenis daarvan te verstaan.
- Om genesing te bring waar mense God se wil vir man-wees en vrou-wees verkeerd begryp het.
- Dat mans en vroue die volheid van hulle bedieningswerk kan realiseer deur die regte verstaan en praktisering van hulle God gegewe rolle.
- Om die verspreiding van die evangelie te bevorder deur 'n Bybelse heelheid in verhoudings te verkondig wat 'n stukkende wêreld sal aanspreek.

Meer besonderhede oor die verklaring, asook die oorspronklike Engelse teks, is beskikbaar op verskeie webwerwe, waaronder: <http://www.cbmw.org/Danvers> en [http://en.wikipedia.org/wiki/Danvers\\_Statement](http://en.wikipedia.org/wiki/Danvers_Statement).